



Broj: 02-04-970/25-AP-6
Datum: 07.07.2025. godine

Na osnovu člana 12. Privremene Statutarne Odluke Grada Zavidovići („Službeni glasnik općine Zavidovići“, broj: 4/2022), člana 39. Statuta Općine Zavidovići („Službeni glasnik Općine Zavidovići“, broj: 5/2008, 5/a/2008 i 11/2019) i Programa utroška sredstava planiranih u Budžetu Grada Zavidovići za 2025. godinu u odjeljku „Rashodi i izdaci“ potrošačke jedinice-glava 13208 Službe za upravu društvenih djelatnosti, pitanja boraca i opću upravu, sa pozicije „Tekući transferi i drugi tekući rashodi“ i „Kapitalni izdaci“ - Odsjek za društvene djelatnosti i opću upravu, broj: 02-11-859/25-AP-2 od 15.04.2025. godine, Gradonačelnica Grada Zavidovići, objavljuje

IZMJENU JAVNOG POZIVA
za raspodjelu sredstava na Tekućem transferu za mlade
u Budžetu Grada Zavidovići za 2025.godinu

I

U objavljenom Javnom pozivu za raspodjelu sredstava na Tekućem transferu za mlade u Budžetu Grada Zavidovići, broj: 02-04-970/25-AP-3, na dan 18.06.2025. godine na Oglasnoj ploči i Web stranici Grada Zavidovići, mijenja se tačka I i tačka II i glase:

Tačka I

„Pravo učešća u Javnom pozivu za raspodjelu sredstava na Tekućem transferu za mlade u Budžetu Grada Zavidovići za 2025. godinu imaju omladinska udruženja građana - članice Vijeća mladih Grada Zavidovići i druge organizacije civilnog društva – nevladine organizacije Grada Zavidovići sa projektima od interesa za mlade.“

Tačka II

„Sredstva planirana na Tekućem transferu za mlade u Budžetu Grada Zavidovići za 2025.godinu u visini do 8.000,00 KM bit će korištena za sufinansiranje projekata omladinskih organizacija članica Vijeća mladih Grada Zavidovići i organizacija civilnog društva – nevladinih organizacija Grada Zavidovići za realizaciju programa i aktivnosti namijenjenih populaciji mladih u oblastima: promocije volonterizma i aktivizma, očuvanja okoliša i životne sredine, promocije prirodnih i turističkih potencijala grada Zavidovići, njegovanje kulturno historijske baštine grada Zavidovići, podrška organizovanju humanitarnog i društveno korisnog rada i druge omladinske aktivnosti.

Aplikanti su dužni obezbjediti 20% sredstva od ukupnog iznosa traženih sredstava kao vlastito učešće.

Sredstva koja se dodjeljuju putem javnog poziva ne mogu se koristiti za finansiranje:

- lične koristi pojedinca,
- projekata koji su već odrađeni ili se radi o retroaktivnim zahtjevima,
- projekata isključivog druženja članova neke grupe ili udruženja,
- troškove prevoza i telefona u iznosu višem od 10% od ukupnog iznosa doznačenih sredstava,

- isključivo troškova putovanja, smještaja, putarine, ekskurzija,
- isključivo troškova odlaska ili dolaska na edukacije za pojedince ili članove udruženja (učešće na kursovima, seminarima, stipendiranje, kotizacija),
- isključivo nabavku opreme (potraživanja za opremu su moguća u iznosu do 40% od vrijednosti dodijeljenih sredstava i to samo u slučaju kada je oprema neophodna za realizaciju projekta),
- dodjele humanitarne pomoći,
- za projekte koji su primarno za unapređenje i promociju religije i politike,
- projekte vjerskih institucija-organizacija, političkih partija ili njihovih ogranaka,
- zahtjeve za sponzoriranje, reklamiranje, regranting, podrška događajima za namicanje sredstava ili doprinose i velike zahtjeve za sredstvima,
- projekte koji promovišu nasilje, mržnju ili bilo koji vid diskriminacije,
- kupovine alkoholnih pića,
- projekte koji traju duže od 6 mjeseci,
- troškove registracije udruženja.“

II

Javni poziv sa izmjenama Javnog poziva ostaje otvoren do 31.07.2025. godine.

III

U ostalom dijelu Javni poziv ostaje neizmijenjen.



GRADONAČELNICA

mr. iur. Erna Merdić Smailhodžić